

NAMJETY ZA PRÓSTWY

1 . póstna njedźela 2019

M Knježe Jězu Chrysće, w pusćinje prajiš: „Njespytuj Knjeza, swojeho Boha.“ My směmy Tebi dowěrjeć a Tvojemu slubjenju wěrić, zo naše modlitwy a naležnosće słyšiš, a zo njezahinjemy. Prosymy Će:

1. Za wšitkich pytacych, kiž su so z prašenjemi a dwělemi na puć nastajili, zo bychu Boha našli. Za tych mjez nami, kotřiž wo swjatu křćeńcu proša, a wšitkich, kiž jich při tym přewodźeja.

– *Krótka ćišina* –

Chrysće słyš nas. **L** Chrysće wusłyš nas.

2. Za wšitkich křćenych, kotřiž so dzeń wote dnja wo to prócuja, křescansce žiwi być a swoje powołanje přeco hłubšo wotkrywać. Za wšitkich, kotrymž je ćežko, swój žiwjenski puć w dowěrje na Dobre poselstwo rjadować.

3. Za wšitkich křescanow, kotřiž z modlenjom a swjećenjom Božich službow měšniku službu wukonjeja. Za wšitkich, kotřiž ze svojim modlenjom naše žiwjenje a naš wšědny dzeń swjatosćeja a na Boha wusměrjeja.

4. Za wšitkich křescanow, kotřiž wukonjeja z přewzaćom zamołwitosće a starosće kralowsku službu. Za wšitkich, kiž so w gremijach, radach a w službach nawodnistwa angažuja, a za wšitkich, kiž so lubosćiwje wo ludźi na kromje zasadźeja.

5. Za wšitkich křescanow, kiž wukonjeja ze svojim na ewangelij wusměrjenym žiwjenjom profetisku službu. Za wšitkich, kiž dowěrjeja Božemu słowu a wo tutech swoich nazhonjenjach powědaja.

6. Za wšitkich ludźi, kotřiž so na jutrowny pokutny čas chutnje bjeru. Za wšitkich, kiž so něčeho wzdadźa a so nakazaja, kaž tež za wšitkich, kiž so na něšto nowe zwaža.

7. Za našich njebohich, kotřiž su nas we wěrje předešli. Za wšitkich, kiž buchu nam z přikładom a směrnicy našeho žiwjenskeho puća.

M Knježe Jězu Chrysće, štož so k Tebi woła, budže wumóženy. Tebje chwalmy a česćujmy a so Ći džakujmy džens a wšitke dny swojeho žiwjenja hač do Twojeje wěčnosće. Amen.